

Ref: BUBT-Reg-1268-07-25

Date: 14.07.2025

## অফিস আদেশ

### বিইউবিটি ক্যাম্পাস মাদকমুক্ত করণের জন্য বিভিন্ন কার্যক্রম গ্রহণ প্রসঙ্গে

বাংলাদেশ ইউনিভার্সিটি অব বিজনেস এন্ড টেকনোলজি (বিইউবিটি) এর সকল সদস্যের অবগতি ও কার্যার্থে জানানো যাচ্ছে যে, বিইউবিটি মাদক বিরোধী কমিটি (BUBT Anti-drug Committee) মাদক বিরোধী কার্যক্রম পরিচালনার জন্য সর্বদা সচেষ্ট থাকে। এই কমিটির কার্যক্রমের অংশ হিসেবে (১) বিভিন্ন অনুষ্ঠানে বিশেষ করে নবীন বরণ অনুষ্ঠানে নবীন শিক্ষার্থীদের জন্য ধূমপান ও মাদকের ভয়াবহতা সম্পর্কে ব্রিফিং প্রদান করা হয়, (২) বিশ্ববিদ্যালয় প্রশাসন কর্তৃক মাঝে মাঝে সচেতনতামূলক নোটিশ প্রদান করা হয়, (৩) ক্যাম্পাসে বিভিন্ন গুরুত্বপূর্ণ স্থানে মাদক বিরোধী ব্যানার ও ফেস্টুন স্থাপন করা আছে এবং (৪) মাদকের ক্ষয়ক্ষতি ও ভয়াবহতা এবং মাদক গ্রহণে শারীরিক, অর্থনৈতিক ও সামাজিক অবক্ষয় ইত্যাদি বিষয়ের উপর আলোচনা করা হয়েছে। ভবিষ্যতে উক্ত ক্ষয়ক্ষতি নিয়ে সেমিনারের আয়োজন করা হবে। মাদকের সহিত কারও সংশ্লিষ্টতা থাকার তথ্য পাওয়া গেলে বিইউবিটির মাদক বিরোধী কমিটি তদন্ত সাপেক্ষে প্রয়োজনীয় ব্যবস্থা গ্রহণ করে আসছে।

এমতাবস্থায়, বিইউবিটি এর মাদক বিরোধী কার্যক্রমকে আরও গতিশীল করণের জন্য সকল বিভাগীয় প্রধান ও শ্রেণী শিক্ষক এবং অফিস প্রধানদের নিম্নলিখিত কার্যক্রমসমূহ গ্রহণের জন্য বিশেষভাবে অনুরোধ করা হল:

- ১) প্রতি সেমিস্টারের প্রথম দিকে, বিশেষ করে নবীন শিক্ষার্থীদের জন্য, ডিপার্টমেন্ট কর্তৃক নিয়োজিত শিক্ষকগণ (Intake Advisor) মাদক বিরোধী কার্যক্রম হিসেবে মাদকের ক্ষতিকর দিক ও মাদক ব্যবহারে শাস্তিমূলক ব্যবস্থা সম্পর্কে ৫-৭ মিনিট বক্তব্য প্রদান করবেন।
- ২) সকল ইনটেক/সেকশনের জন্য নিয়োজিত শ্রেণী শিক্ষকগণ শিক্ষার্থীদের উদ্দেশ্যে মাঝে মাঝে মাদক বিরোধী বিষয় ও নৈতিক অবক্ষয় এর উপর ৩-৫ মিনিট বক্তব্য প্রদান করবেন।
- ৩) শিক্ষার্থীদেরকে Sociology, Bangladesh Studies, Bangla, History বা অন্য যে কোন কোর্স পড়ানোর সময় শিক্ষকগণ মাদকের ক্ষতিকর দিক সম্পর্কে আলোচনা করার জন্য একটি ক্লাশ/সময় বরাদ্দ রাখবেন।
- ৪) বিইউবিটির সকল সহশিক্ষা ও ক্লাব-কার্যক্রমে সংশ্লিষ্ট মডারেটর ও এ্যাডভাইজরগণের মাধ্যমে এবং খেলাধুলাসহ সকল সাংস্কৃতিক কার্যক্রমে ও বিভিন্ন অনুষ্ঠানকালে সংশ্লিষ্ট শিক্ষক/কর্মকর্তাগণ মাদকের ক্ষতিকর প্রভাব ও ভয়াবহতা সম্পর্কে আলোচনা করবেন এবং মাদক মুক্ত সমাজ গঠন সম্পর্কে সকল শিক্ষার্থীকে উপদেশ প্রদান করবেন।
- ৫) অফিস প্রধানগণ তাঁদের অধিনস্ত কর্মকর্তা ও কর্মচারীগণকে মাদক বিরোধী কার্যক্রম হিসেবে মাদকের ক্ষতিকর দিক ও মাদক ব্যবহারে শাস্তিমূলক ব্যবস্থা সম্পর্কে মাঝে মাঝে অবহিত করবেন।
- ৬) মাদকের ক্ষতিকর দিক, মাদক গ্রহণে শারীরিক ক্ষতি, পারিবারিক ও সামাজিক অবক্ষয় ইত্যাদি সম্পর্কে ধারণা পাওয়ার জন্য মাদকদ্রব্য নিয়ন্ত্রণ অধিদপ্তর, সুরক্ষা সেবা বিভাগ, স্বরাষ্ট্র মন্ত্রণালয় কর্তৃক প্রকাশিত লিফলেট যথা: (ক) জীবনকে ভালবাসুন, মাদক থেকে দূরে থাকুন, (খ) ইয়াবা পরিচিতি ও পরিণতি এবং (গ) ফেস্টুন: মানবদেহে মাদকের ক্ষতিকর প্রভাব সমূহ পড়া যেতে পারে।



Ref: BUBT-Reg-1268-07-25

Date: 14.07.2025

- ৭) পাঠদানে নিয়োজিত শিক্ষকগণ পাঠদানের পাশাপাশি শিক্ষার্থীদের অস্বাভাবিক আচরণ, ক্লাসে অস্বাভাবিক প্রশ্ন, স্বাস্থ্যের ক্রমাগত অবনতি, ক্লাসে প্রত্যক্ষ অংশগ্রহণে অনীহা, ক্লাসে ঘুমানো, সকালের ক্লাসে অনুপস্থিতি, ইত্যাদি বিষয়গুলো খেয়াল রাখবেন। অফিস প্রধান বা যে কোন কর্মকর্তা অন্য যে কোন কর্মকর্তা বা কর্মচারীর মধ্যে অস্বাভাবিক আচরণ আছে কিনা লক্ষ্য করবেন। উপরিউক্ত অস্বাভাবিক আচরণ/আচরণসমূহ লক্ষ্য করলে বিভাগীয় প্রধান বা অফিস/ইউনিট প্রধানগণ চিঠির মাধ্যমে বিইউবিটি মাদকবিরোধী কমিটিকে অবহিত করবেন। যদি কোন শিক্ষক, কর্মকর্তা বা কর্মচারী অন্য যে কোন শিক্ষক, কর্মকর্তা বা কর্মচারীর মধ্যে উপরিউক্ত অস্বাভাবিক আচরণ/আচরণসমূহ লক্ষ্য করেন তবে তাৎক্ষণিকভাবে তিনি বিইউবিটি মেডিকেল সেন্টার অথবা বিইউবিটি মাদকবিরোধী কমিটি এর পরামর্শ গ্রহণ করবেন বা সহায়তার জন্য উপস্থাপন করবেন।

বিষয়টির জাতীয় গুরুত্ব বিবেচনা করত: উপরে উল্লিখিত কর্মসূচীগুলো বাস্তবায়নের জন্য সংশ্লিষ্ট সকলের আন্তরিক সহযোগিতা কামনা করছি।

প্রফেসর ড. সৈয়দ মাসুদ হোসেইন

ডীন, ব্যবসায় ও সামাজিক বিজ্ঞান অনুষদ

ও আহবায়ক, বিইউবিটি মাদক-বিরোধী কমিটি

সংযুক্তি:

- ১) লিফলেট ক: জীবনকে ভালবাসুন, মাদক থেকে দূরে থাকুন
- ২) লিফলেট খ: ইয়াবা পরিচিতি ও পরিণতি
- ৩) ফেস্টুন: মানবদেহে মাদকের ক্ষতিকর প্রভাব

প্রয়োজনীয় কার্যার্থে / অবগতির জন্য অনুলিপি বিতরণ:

- |  |   |
|--|---|
| <ol style="list-style-type: none"><li>১) পি.এস. টু ভাইস-চ্যান্সেলর</li><li>২) পি.এ. টু এ্যাডভাইজার</li><li>৩) ট্রেজারার</li><li>৪) সকল অনুষদের ডীন (প্রয়োজনীয় তদারকির জন্য)</li><li>৫) সকল বিভাগীয় প্রধান/চেয়ারম্যান</li></ol> | <ol style="list-style-type: none"><li>৬) সকল অফিস/ইউনিট প্রধান</li><li>(ক) সংশ্লিষ্ট সকল কর্মকর্তা/কর্মচারীগণকে প্রয়োজনীয় ব্রিফিং প্রদানের জন্য এবং লিফলেট ও ফেস্টুনসমূহ বিতরণের জন্য,</li><li>(খ) অস্বাভাবিক আচরণের জন্য বিইউবিটি মেডিকেল সেন্টার অথবা বিইউবিটি মাদকবিরোধী কমিটি এর পরামর্শ গ্রহণ ও উপস্থাপন এবং প্রয়োজনে চিঠির মাধ্যমে বিইউবিটি মাদকবিরোধী কমিটিকে অবহিতকরণ করণ</li><li>৭) প্রক্টর (বিভাগীয় প্রধান ও অফিস/ইউনিট প্রধানগণকে প্রয়োজনীয় সহায়তা প্রদানের জন্য)</li><li>৮) সকল সদস্য, বিইউবিটি মাদক বিরোধী কমিটি</li><li>৯) সকল সহকারী প্রক্টর</li><li>১০) সিনিয়র মেডিক্যাল অফিসার (বিভাগীয় প্রধান ও অফিস/ইউনিট প্রধানগণকে এবং শিক্ষার্থী, শিক্ষক, কর্মকর্তা ও কর্মচারীগণকে প্রয়োজনীয় সহায়তা প্রদানের জন্য)</li><li>১১) নোটিশ বোর্ড</li><li>১২) অফিস কপি</li></ol> |
|--|---|